



Kenija iz Zagreba

23. januar 2022. - 3. februar 2022.

12 dana - 10 noći

“ Putovanje u Keniju obavezan je doživljaj za svakog svjetskog putnika. Putujemo u samo srce Afrike, u zemlju u kojoj se rubovi dinamičnih velegradova pretaču u nepregledne savane. U ovoj ćemo avanturi istražiti Nairobi, mladu prijestolnicu Kenije i njene bučne ulice, čiji su zaštitni znak matatui, gradski autobusi šarolikog dizajna. Nairobi je možda i jedina prijestolnica na svijetu koja graniči s nacionalnim parkom, dom zebri, žirafa i ostalih životinja.

Bogat životinjski svijet imat ćemo prilike upoznati na fakultativnom safariju u Keniji, u Nacionalnom parku Masai Mara. Svojim fotoobjektivima lovimo veliku afričku petorku – lava, slona, bivol, leoparda i nosoroga. Na ovom ćemo safariju provesti dva dana. Ljeto je idealno vrijeme za promatrati divlji svijet Kenije zbog brojnih životinjskih migracija u tome periodu.

Nakon uzbudljivog safarija odlazimo u Diani Beach, najljepšu plažu Kenije i jednu od najljepših afričkih plaža. Ondje boravimo nekoliko dana te uživamo u bijelome pijesku, pogledu na Indijski ocean te uzbudljivim morskim aktivnostima, a posjećujemo i poznati restoran smješten u pećini.

Za kraj odlazimo u Mombasu, najveću luku i nekadašnju prijestolnicu Kenije. U njoj ćemo se diviti arhitekturi koja svjedoči arapskim, azijskim i evropskim utjecajima na život u Keniji.

Spremni za pravu afričku avanturu?





Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Okupljanje na aerodromu u Zagrebu i polazak

Okupljanje na aerodromu dva sata prije leta. Let za Nairobi u 08:35h s presjedanjem u Istanbulu. Dolazak u Istanbul u 12:50h i konekcija na večernji let za Nairobi.

Prevoz

Aviokartu sa svim taksama na relaciji Zagreb–Istanbul, u ekonomskoj klasi

Mesto

Zagreb, Istanbul

Dan 2: Dolazak u Nairobi i fakultativni obilazak grada

Dolazak u Nairobi između tri i četiri ujutru, transfer do hotela i smještaj. Poslijepodne fakultativni obilazak glavnog grada Kenije. Dobrodošli u Nairobi! Osnovan je 1899. godine, a prijestolnica je postao osam godina kasnije. Ime mu dolazi od masajskog izraza "enkare nairobi", koji znači "hladna voda", a odnosi se na rijeku Nairobi koja prolazi gradom. Iako se nalazi neposredno ispod ekvatora, klima je u gradu blaga tokom cijele godine zbog činjenice da se grad nalazi na 1600-1800 m nadmorske visine. Prepoznatljiv simbol grada su matatu, minibusovi koji se ističu svojim šarolikim izgledom. Na samoj granici grada nalazi se Nacionalni park Nairobi, u kojem možete vidjeti zebre i žirafe kako šetaju savanom dok se u njihovoj pozadini uzdižu neboderi. Posjećujemo Giraffe Centre, koji je osnovan 1979. godine u svrhu zaštite ugroženih žirafa na prostoru istočne Afrike i posmatramo žirafe, koje svoje duge vratove spuštaju dovoljno nisko da ih možemo nahraniti.

Prevoz

Aviokartu sa svim taksama na relaciji Istanbul-Nairobi, u ekonomskoj klasi

Transfer od aerodroma do smještaja

Smeštaj

Meridian Hotel Kenya (2 noći)

Mesto

Nairobi

Fakultativni izleti

Obilazak Nairobijia

Dan 3: Fakultativni izlet – Kibera

Fakultativni izlet u Kiberu. Kibera je naslje u Nairobiju koje su naselili siromašni radnici iz raznih dijelova Kenije, u želji da dođu u glavni grad. Kroz najveći afrički slum vode stanovnici Kibere, koji nam objašnjavaju na koji način žive, pokazuju nam naselja u kojima žive sa svojim porodicama koje su samostalno sagradili od blata i drveća, upoznaju nas s raznim inicijativama koje pokušavaju provesti u zajednici, objašnjavaju nam kako su uspjeli dobiti vodu i struju te nam pokazuju školu koju grade za svoje najmlađe stanovnike. Dolazimo u susret s istinskom svakodnevnicom ovog naroda.

Smeštaj

Meridian Hotel Kenya (1 noć)

Mesto

Nairobi

Hrana

Doručak × 1

Fakultativni izleti

Kibera

Dan 4: Fakultativni izlet – Safari u Nacionalnom parku Amboseli

Opcija fakultativnog safarija u Nacionalnom parku Amboseli. U ovom parku ćemo u podnožju Kilimandžara tragati za divljači i velikim mačkama, s obzirom na to da je park dom lavovima, leopardima, bivolima, nosorozima i slonovima. Putnici koji ostaju u Nairobiju imaju slobodan dan.

Smeštaj

Meridian Hotel Kenya (1 noć)

Mesto

Nairobi

Hrana

Doručak × 1

Fakultativni izleti

Safari u Nacionalnom parku Amboseli



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

Dan 5: Nastavak fakultativnog safarija u Nac. parku Amboseli i prevoz do Mombase

Nastavak fakultativnog izleta u Nacionalnom parku Amboseli te povratak u Nairobi. Za one koji nisu išli na safari, tu je slobodan dan u Nairobiju. Nakon toga, transfer do željezničkog kolodvora i vlak od Nairobija do Mombase. Dolazak u Mombasu. Prijevoz do hotela i noćenje.

Prevoz

Transfer od Nairobija do Mombase

Transfer od željezničke stanice do smještaja

Smještaj

Hotel u Mombasi (1 noć)

Mesto

Nairobi, Mombasa

Hrana

Doručak × 1

Dan 6: Fakultativni izlet – Mombasa i transfer do Diani Beacha

Nakon doručka krećemo u fakultativni obilazak Mombase. Posjećujemo velike kljove, zaštitni znak ovog grada, Stari grad, čija arhitektura svjedoči o arapskim, azijskim i evropskim narodima koji su bili na ovom prostoru te Jesus Fort, tvrđavu koju su u 16. vijeku izgradili Portugalci. Nakon toga, transfer do hotela na najljepšoj plaži Kenije – Diani Beach. Ova prekrasna plaža važi za jednu od najljepših plaža u čitavoj Africi. Smještaj i odmor.

Prevoz

Transfer od Mombase do Diani plaže

Smještaj

Soul Breeze Beach Resort (1 noć)

Mesto

Mombasa, Diani Beach

Hrana

Doručak × 1

Fakultativni izleti

Mombasa City tour

Dani 7-10: Slobodni dani na Diani Beachu

Uživanje na Diani Beachu. Mogućnost odlaska u Ali Barbour's Cave, čas ronjenja, kitesurfinga, izlet na pješčani sprud ili sam odmor. Svaki dan igramo odbojku, fudbal na plaži ili samo odmaramo... Četiri noćenja na Diani Beachu.

Smještaj

Soul Breeze Beach Resort (4 noći)

Mesto

Diani Beach

Hrana

Doručak × 4

Dan 11: Napuštanje smještaja i polazak za Nairobi

Odjavljujemo se iz smještaja i lagano opraštamo od ovog tropskog raja. Popodnevni transfer do aerodroma u Mombasi. Lokalni let na relaciji Mombasa – Nairobi.

Prevoz

Transfer od smještaja do aerodroma

Aviokarta sa svim taksama na relaciji Mombasa - Nairobi u ekonomskoj klasi

Mesto

Diani Beach, Mombasa, Nairobi

Hrana

Doručak × 1

Dan 12: Povratak u Zagreb i kraj putovanja

Ranojutarnji let iz Nairobija u 4:45h sa presjedanjem u Istanbulu. Dolazak u Istanbul u 11:25h i konekcija na let za Zagreb u 19:10h. Dolazak u Zagreb u 19:20h. Kraj putovanja.

Prevoz

Aviokarta sa svim taksama na relaciji Nairobi–Istanbul, u ekonomskoj klasi

Aviokarta sa svim taksama na relaciji Istanbul - Beograd u ekonomskoj klasi

Mesto

Nairobi, Istanbul, Zagreb



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Cene i uslovi

Šta je uključeno

Regularna cena
2.670,00 BAM

Nije uključeno

- Fakultativne izlete i ulaznice za kulturno historijske spomenike
- PCR test prije polaska (ne stariji od 72h)
- Viza za Keniju – 120,00 KM sa uslugom agencije za izradu vize

Uslovi plaćanja: Cijene aranžmana objavljene na web stranici izražene su sa uračunatim popustom od 2,5% i vrijede za plaćanje gotovinom u poslovnicu ili uplatu na transakcijski račun agencije.

Cijene aranžmana se uvećavaju za 2,5% ukoliko putnik aranžman plaća u poslovnicu karticom - jednokratno.

Prilikom prijavljivanja plaća se avans u iznosu od 400 KM, a ostatak sume plaća se u agenciji ili putem banke najkasnije 6 sedmica pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Prijavlivanje: Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Obilazak Nairobija

Cijena: **40,00** USD

Nairobi predstavlja moderan i urbanizovan centar Kenije, poznatiji kao *zeleni grad na suncu*. Osnivanjem željeznica 1899. godine grad počinje da se širi i da cvjeta. Trenutno je najznačajni centar poslovanja i kulture u Istočnoj Africi. Grad je tokom 19. vijeka bio interesantan lovcima na krupnu divljač, upravo iz razloga što se u blizini samog grada nalaze prostranstva naseljena neuhvatljivim i divljim životinjskim vrstama.

Urbani centar Nairobija daje nam utisak da se ne nalazimo u Africi, već da šetamo nekim modernim gradom zapada. Obilazimo poznate znamenitosti poput Parlamenta, Kenijskog internacionalnog centra i glavnog trg. Nacionalna manjina koja živi u Nairobiju je pleme Masai, koji gradu daje poseban kulturološki uticaj. Zato ćemo imati priliku da obiđemo Masai pijacu, gdje ćemo uživati u miksu boja, umjetnosti i kulture ovog naroda. Moći ćemo da kupimo afričke slike, drvene figure, ručno rađeni nakit i torbe. Da bismo shvatili veličinu samog grada odlazimo do vidikovca, na kom možemo da vidimo neke od najpoznatijih nebodera grada, zelenilo koje ga okružuje, kao i planiske vrhove.

Cijena izleta uključuje: organizovani prevoz prema itinereru, lokalnog vodiča na engleskom jeziku i usluge predstavnika naše agencije.

Kibera

Cijena: **50,00** USD

Kibera je naselje u Nairobiju koje su naselili siromašni radnici iz raznih dijelova Kenije, u želji da dođu u glavni grad. Kroz najveći afrički slum vode nas stanovnici Kibere, koji nam objašnjavaju na koji način žive, pokazuju nam naselja u kojima žive sa svojim porodicama koje su samostalno sagradili od blata i drva, upoznaju nas s raznim inicijativama koje pokušavaju sprovesti u zajednici, objašnjavaju nam kako su uspjeli dobiti vodu i struju te nam pokazuju školu koju grade za svoje najmlađe stanovnike. Dolazimo u susret s istinskom svakodnevnicom ovog naroda.

- U cijenu uključeno: prevoz, lokalni vodič
- U cijenu nije uključeno: bakšiš za lokalnog vodiča

Safari u Nacionalnom parku Amboseli

Cijena: od **320,00** USD do **360,00** USD

Dan 1

U rano jutro iz smještaja krećemo prema Nacionalnom parku Amboseli. U park ulazimo oko 10h te krećemo u obilazak rezervata u podnožju Klimandžara u potrazi za divljači i velikim mačkama. U pauzi od posmatranja životinja ćemo i ručati te se odmoriti i opustiti. Tragat ćemo za lavom, leopardom, bivolom, nosorogom i slonom, kao i za drugim životinjama koje žive u Amboseliju.

Pred zalazak sunca dolazimo u kamp, tu se smještamo u večeramo.

Dan 2

Divlje životinje čekaju na nas, stoga se rano budimo i krećemo u novu avanturu. Nakon doručka odlazimo na posljednju vožnju u potrazi za divljim životinjama. Uživamo u posljednjim trenucima boravka u prirodi i lagano se spremamo za put prema smještaju.

U cijenu uključeno: transfer, smještaj, ulaznica za nacionalni park u trajanju 24 sata, 2 x ručak, 1 x večera, 1 x doručak, lokalni vodič

U cijenu nije uključeno: bakšiš za lokalnog vodiča

Mombasa City tour

Cijena: **60,00** EUR

Mombasa je drugi grad po veličini u Keniji i najveća luka, tj. ostrvo koje je mostovima povezano sa kopnom. Mombasa je uvijek interesantna posjetiocima, što zbog svoje

svakodnevnih vremenih i takozvane „pijačnu atmosferu” grada, što zbog svojih kulturnih i etničkih razlika, odlično ukomponovanih u skladnu cjelinu. Grad su vekovima unazad naseljavali narodi sa Bliskog istoka i Hindusi, pa je tako većinsko stanovništvo islamske vjeroispovijesti. Posebnu čar ovom gradu daje i blizina nacionalnih parkova i seoskih zajednica. U pratnji lokalnog vodiča obično ćemo Akamba fabriku rezbarija od drveta, kao i Isusovu tvrđavu (Fort Jesus) izgrađenu u 16. vijeku. Danas se iza ovog vrijednog historijskog muzeja prostire divan park sa pogledom na okean, gdje zavaleđeni ispod neke palme ili drveta baobaba možemo čuti razne zanimljive priče družeći se sa lokalcima. Pažnju privlači svakako i stari grad, gradsko jezgo koje je načičkano suvenircima i radnjama manufakture, a prepuno stanovnika koji cirkulišu lavirintom tipičnih afričkih ulica. Upoznat ćemo se sa autentičnim domaćinstvima izgrađenim u arapskom i indijskom tradicionalnom stilu. Takođe, u starom gradu se nalazi Bijela kuća, prvi Američki konzulat i Stara pošta koju su izgradili Hindusi kako bi putem željeznice slali kući vijesti i novac. Ulica Biashara nudi najrazličitije kenijske tkanine, jarkih, ali simpatično uklopljenih boja, a tu je i simbol grada – „Mombasa kljove”. Obično ćemo i lokalnu pijacu začina i kenijske hrane. Imat ćemo prilike da vidimo i staru luku u kojoj današnji trajekti saobraćaju od 1937. godine, a iz koje su vekovima unazad transportovali kenijske robove ka Likoniju i ka kopnu na dalje.

U cijenu uključeno: organizovani prevoz prema itinereru, lokalni vodiča na engleskom jeziku i usluge predstavnika naše agencije.

Smeštaj

Meridian Hotel Kenya ****

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Meridian Hotel Kenya**** (prema lokalnoj kategorizaciji) smeštajni je kapacitet koji raspolaže dvokrevetnim sobama s vlastitim kupatilom, TV-om i internetom. Ime hotela bit će potvrđeno najkasnije dvije sedmice prije putovanja.

Hotel u Mombasi

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel u Mombasi smeštajni je kapacitet koji raspolaže dvokrevetnim sobama s vlastitom kupaonicom. Usluga je na bazi noćenja.

Soul Breeze Beach Resort

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Soul Breeze Beach Resort smeštajni je objekt u Diani Beachu u Keniji koji raspolaže dvokrevetnim sobama s vlastitim kupatilom. U sobama je dostupan wi-fi. Usluga je na bazi noćenja s doručkom.

Sajt

<https://soulbreezebeachresort.com/index.html>

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Voz

Putnički voz je oblik željezničkog saobraćaja koji se već par vijekova koristi za putovanja.

Mesta

Zagreb

Zagreb je glavni i najveći grad Republike Hrvatske. Šire područje grada okuplja više od milion stanovnika. Historijski gledajući, grad Zagreb je izrastao iz dva naselja na susjednim brežuljcima, Gradeca i Kaptola, koji čine jezgo današnjeg grada, njegovo historijsko središte. Nalazi se na jugozapadnom rubu Panonske nizija na prosječnoj nadmorskoj visini od 122 m, podno južnih padina Medvednice, na lijevoj i desnoj obali rijeke Save. Položaj grada, koji je na mjestu spajanja alpske, dinarske, jadranske i Panonske regije, omogućio je da Zagreb postane most između srednjoeuropskog i jadranskog područja.

Istanbul

Istanbul kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turista u 2015. godini, pet godina nakon što je proglašen za Evropsku prestonicu kulture, Istanbul predstavlja peti napsjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

Nairobi

Nairobi je glavni grad Kenije. Osnovan je 1899. godine, a prijestolnicom je postao osam godina kasnije. Ime mu dolazi od masajskog izraza "enkare nairobi", koji znači "hladna voda", a odnosi se na rijeku Nairobi koja prolazi gradom. Iako se nalazi neposredno ispod ekvatora, klima je u gradu blaga tijekom cijele godine zbog činjenice da se grad nalazi na 1600-1800 m nadmorske visine. Prepoznatljiv simbol grada su matatu, minibusovi koji se ističu svojom šarenilom. Na samoj granici grada nalazi se Nacionalni park Nairobi, u kojem možete vidjeti zebre i žirafe kako šetaju savanom dok se u njihovoj pozadini uzdižu neboderi.

Mombasa

Mombasa je grad koji se nalazi u jugozapadnom dijelu Kenije, na obali Indijskog okeana. Drugi je grad Kenije po veličini, poslije prijestolnice Najrobija. Grad ima oko 2 miliona



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

stanovnika.

Diani Beach

Diani Beach slovi za najljepšu plažu u Keniji, a smatra se i jednom od najljepših u Africi. Nalazi se na samom jugu Kenije, na granici s Tanzanijom. Prekrasan pješčani pojas plaže pruža se uzduž Indijskog oceana. Ovo je područje, osim ljepote same plaže, poznato po koralnim grebenima, crno-bijelim majmunima kolobus te rezervatu Shimba Hills u kojemu obitavaju divlje životinje. Na Diani Beachu nalaze se restorani, hoteli, supermarketi te nekoliko trgovačkih centara. Plaža je popularno mjesto za kitesurfing, jet-skiing i ronjenje.

Korisne informacije

Kenija

1. OPŠTI PODACI:

Glavni grad: Najrobi

Površina: 580.367 km²

Broj stanovnika: 44.354.000 (2013.)

Stanovništvo: 99% narodi afričkog porekla iz preko 50 plemena

Jezik: swahili i engleski

Vjeroispovijest: 65% hrišćani, 7% muslimani, ostatak pripadnici tradicionalnih religija

Lokalno vrijeme: UTC + 3

Nezavisnost: 12.decembar 1963.

Valuta: kenijski Šiling

2. VIZE:

Vize za ulazak u Keniju mogu se pribaviti preko Ambasade Kenije u Parizu (tel: +331/5662-2525, faks:+331/4720-4441, website: <https://www.embassypages.com/missions/embassy15444/>, e-mail: paris@amb-kenya.fr) ili preko internet stranice www.evisa.go.ke. Preko internet stranice odobravaju se turističke vize sa jednim ulazom/izlaskom i maksimalnim rokom važenja do 90 dana, kao i tranzitne i diplomatske vize, a same vize izdaju se na pasoškoj kontroli aerodroma u Najrobiju i Mombasi utiskivanjem pečata u pasoš. Cijena jednokratne vize je 120 KM. Višekratne ulazno-izlazne vize sa maksimalnim važenjem do 6 mjeseci mogu se dobiti u diplomatsko-konzularnim predstavništvima Kenije, a i u samoj zemlji, u biroima Ministarstva za imigracije.

Rok važenja pasoša radi turističkog putovanja mora biti najmanje 6 mjeseci, što važi i za regulisanje boravka.

Neophodna dokumentacija u elektronskoj formi za izradu vize:

1. Sken prve strane pasoša (u JPG formatu, visoke rezolucije i sa čitljivim i jasnim podacima)

*Takođe, još jednom napominjemo da za putovanje morate imati validan pasoš koji važi minimum 6 mjeseci od datuma povratka sa putovanja, minimum 3 slobodne strane u pasošu u trenutku putovanja.

2. Fotografija visoke rezolucije (u JPG formatu)

3. Cijena vize je 120 KM (sa uslugom viziranja)

*Nakon završenog procesa dobija se elektronska viza na papiru (koju dobijate na polasku na put od predstavnika agencije), a fizički Vam vizu utisnu u pasoš po slijetanju u Keniju.

3. VREMENSKA ZONA je UTC+3, odnosno tokom zimskog računanja vremena razlika između BiH i Kenije je 2h, a tokom ljetnog računanja je 1h, jer Kenija ne prelazi na ljetno računanje vremena.

4. ZDRAVSTVENA SITUACIJA:

Voda nije za piće, koristi se isključivo flaširana i izbegava se led. Flaširana voda se koristi i za pranje zuba.

Za ulazak u Keniju je neophodno imati žuti karton (potvrdu o vakcinaciji protiv žute groznice).

Što se tiče **lijekova** protiv malarije, nije neophodno uzimati, već se o ovome konsultujte sa Vašim ljekarom. Važno je da znate da lijekovi ne štite 100% od malarije i mogu imati neželjena dejstva.

Od lijekova sa sobom ponijeti lijekove za redovnu terapiju ako je imate, probiotik, lijekove za snižavanje temperature, protiv bolova, odnosno lijekove koje generalno nosite sa sobom na putovanje. Ponesite obavezno i kremu za sunčanje i Autan.

Preporuka je da imate zdravstveno **osiguranje**. Zdravstveno osiguranje možete uzeti u agenciji do 5 dana pred put. Za cijenu osiguranja pozovite agenciju.

5. BEZBJEDNOST:

Kenija je bezbjedna destinacija, ali ukoliko se pridržavate određenih **pravila**. Ne preporučuje se kretanje po mraku i noću, jer se prije svega radi o siromašnim i nerazvijenim područjima i na mjestima gdje su velike gužve (lokalne pijace i sl.) treba voditi računa o džeparenju. Nije preporučljivo da se krećete sa skupocenim nakitom, takođe. Treba izbegavati odlaske u udaljena ruralna područja.

Izbjegavajte prodavce opojnih sredstava, svi opijati su zabranjeni i ilegalni.

Vodite računa kad fotografirate, jer ukoliko želite da uslikate nekoga, morate obavezno pitati.

6. KLIMA

Kenija važi za jednu od zemalja sa najboljom klimom na svijetu tokom cijele godine. Tokom dana temperatura je obično 25-30 °C, a kasno naveče i rano ujutru se spušta do 12-16 °C. U južnim i priobalnim dijelovima Kenije je mnogo toplije i u zavisnosti od godišnjeg doba vlažnost vazduha je veoma velika, a sunce je izuzetno jako jer se radi o područjima oko ekvatora. Temperatura može i pasti, tako da sa sobom obavezno ponestite odjeću dugih rukava i nogavica. Kišni period traje od marta do juna, ali se kiša može javiti i u bilo koje doba godine.

7. HRANA:

Ishrana se uglavnom sastoji od svježeg voća i povrća, kao i tradicionalnih supa i čorbi. Za ručak i večeru u Keniji se obično servira meso (piletina, jagnjetina, svinjetina ili govedina), ali i riba i vegeterijanska jela.

Ulična hrana se ne preporučuje (prije svega jer ovo nije područje sa tradicijom ulične hrane)

8. ODJEĆA:

Od odjeće je potrebna ljetna, laganija garderoba, ali obavezno ponesite sa sobom nešto dugih rukava i nogavica prije svega zbog aviona ali i mogućnosti da temperatura opadne.

Dugi rukavi i nogavice preporučuju se i kao zaštita od komaraca.

Za safari potrebna je odjeća mirnih boja (izbjegavajte tamne boje, crnu, tamno plavu, ali i fluorescentne boje), dugačkih nogavica i rukava jer temperatura može pasti i ispod 15C u nacionalnim parkovima, šešir, kačket, naočare za sunce i maramu kojom možete spriječiti udisanje prašine.

9. NOVAC:

Valuta koja je u opticaju je kenijski šiling - KES.

1eur = 113 KEN, 1\$ = 100 KEN.

Preporuka je da sa sobom nosite dolare ali isključivo štampane 2006. godine i mlađe.

Korištenje međunarodnih platnih kartica (VISA i sl) u Keniji je prilično razvijeno, naročito u boljim hotelima, restoranima, samoposlugama i sl. O pojedinostima posavjetujte se sa Vašom bankom i obavezno prijavite odlazak u inostranstvo, kako Vam kartice ne bi bile blokirane.

U nekim slučajevima možete plaćati i u dolarima, ali spremite sitniji novac.

Na pijacama, prodavnicama suvenira i kod uličnih prodavaca uvijek se cjenkajte, jer je to običaj.

Osim cjenkanja običaj je skoro uvijek i svima ostavljati bakšiš.

10. STRUJA, INTERNET I KOMUNIKACIJA:

Naše mreže u većini slučajeva rade na teritoriji Kenije, odnosno u većim gradovima.

Svi smještaji imaju wi-fi.

Što se tiče električne energije, napon nije isti kao kod nas, ali su Vam potrebi adapteri za utičnice. Ulaz je kao za Veliku Britaniju (tri pljosnata konektora).

Adaptre na samoj destinaciji ne možete nabaviti.

11. SUVENIRI:

Za početak moramo napomenuti da je iznošenje živih životinja, kao i proizvoda od zaštićenih životinjskih vrsta (koža, koralni, slonovača itd.) zabranjeno i može dovesti do zatvorske kazne.

Od suvenira preporučujemo: tradicionalnu odjeću i materijale, otirače i košare napravljene od autohtonih vlakana, predmete i skulpture od drveta, kenijsku kafu i čaj, tradicionalnu muziku, nakit, predmete vezane za Massai kulturu..

12. DRUGE NAPOMENE:

Ukoliko želite da rentate vozilo ili motor u Keniji potrebna vam je međunarodna vozačka dozvola ali i dozvola koju morate izvaditi u Najrobiju, u nadležnom ministarstvu.

Važne napomene

Opšte napomene:

- Organizator paket-aranžmana je Neobična putovanja d.o.o. turistička agencija, Ilica 89/1, 10000 Zagreb, OIB: 60129171925, ID kod: HR-AB-01-080804992, tel:*385 1 560 1600, e-mail: kontakt@jungletribe.hr.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.

- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplata u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevnom satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.



Jungle Travel d.o.o.

Branilaca Sarajeva 20/I,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

-
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
 - Agencija ne garantuje dobijanje vize i nije ovlaštena da utvrđuje validnost dokumenata.
 - U slučaju nedobijanja vize agencija ne snosi odgovornost.